

兩
浙
金
石
志

兩浙金石志卷十四

揚州阮元編輯

元處州路新修廟學碑

處州路新修廟學碑銘

處州路新修廟學成總管虞侯景經歷王君文彪以書抵

貫請識石曰昔昌黎韓

廟碑文歎其至官能以爲先旣新廟改像又置講堂選博

士弟子肄習其中而錢廩米

具與宋制無異矣及孫威敏公沔徙建今學時則慶厯詔

下以公之賢興此不難也其後宣

爲州復崇新構視舊加宏入

國朝垂六十年雖或革或因屢勤工役而朽壤未竟摧剝隨之景之至枯謁廟庭退卽堂席

與長貳合謀屬經歷王君句校出入之贏得逋租餘以百石戒有司毋緩輸命計吏儲峙飭材徵

方援圖練日會瀾東海右道肅政廉訪副使李公按部泣郡景白爭及之旦日廟見公周旋庭陞計陳器設縣之位殊隘宜增闢東西各一楹以廣其度隆棟厚礎旣轟旣安脩豐藉不偃不踰河日海口翼翼在上陞降拜舞舒有容自靈門泮池閣至會講之堂稽古之閣

弦誦之館齋宿之廬下逮廩庾庖湑凡榘桷傾陟而飭甃摧落者咸易弊爲良外隅內奧聖牕相輝又度地正陽作

新亭且

詔書以

休寵

未半教授林堂定來況相

與薦力復臨殿庭築臺以登樂歌臺之下易新贊以嚴禮
事斥浮就寔以臻厥成始協贊學錄薛元德與有勞焉
今鳩僝告備惟守土之臣職司典屬時補敝豈有勞
烈可名金石而使韶至止嘉惠斯文勸獎作興以致新美
將使千里之民均霑豐芑之澤仁漸義漬貽訓遠矣儻幸
假辭紀載明李氏仍有人使吾處之民視儀終始樂學
之成以嗟歎詠歌於無已其亦可乎昔貫備官成均從公
爲僚余退休田間在公容察之下維詩之則其職也公
名端字彥方由藝文太監檢校書籍事予改今任有
學規十一條之列郡示下學上達方著明善誠身之

本有學有政知先後哉詩曰

若古範民有庠有序閭塾所升進旅退旅飲射讀灋於焉

廬語還從父師講肄道德事親言友動言維 夫興賢

自鄉而國致用於時爲大夫士 祇六德亦和三事由仁

義行非行仁義庠以養賢序以序射士出於農學須其

越 而遊則衆所舍凡學之 用丕變少能代老畊黜

讓畔明君誼辟視爲勝算魯嘗修泮鄭不毀校來 來

訓肯告二國之政卒以無 魏魏聖師宜有廟樂唐始

潔祠宋因建學歷桓 黼間作夫是秩 亦 千古

齊宗之制殷 樂 周公於 子於魯矧茲國中聖維教

父首善自京刑于郡邑教行祀臯泮 秩 運重光

赫如天日率土有嚮用儒術

明詔屢頒申嚴甲令憲臣宣良牧蒞政吉蠲苾芬式時

誦詠育彼菁莪治于休盛山區海陬凡有官守挈是夷

爲禮園栳維東藩千里而俗鮮淫民重孝秀建學

立師繫教始孰爲新侯氏李在宋孫黃亦濟其美

支傾柱敗閉閣五紀撓棟墜日就汚起新功以竣

賢者虛侯至有嘖悲咤徵匠以備掄材於世有奕華

翩其來屆嘉侯是舉勉已弗懈介爾高明廓爾湫隘凡厥

禮容有財逋租是輯咨爾元僚制其張翕

庭閑閑穹棟岌岌自門徂堂爾營爾葺無侈前人無廢

舊觀有息有薦盟謹爾道思合爾判渙經訓昭垂

星文 煖挾策而趨重席

生師矯輕警情如彼

執御逐左而左如彼

是舊是播惟二

前承後

相望肆不隕問惠我

近式訓程之視公

繩準顯允虞侯職是南伯起孝起敬民用飲食僚有王君
婉其諾畫載新類官崇崇仡仡神道設教天維顯用民因
知惟 共春則 相興則成誦矣

至元丁丑良月日太常博士柳貫記 婺州路儒學教授

□□□

中 下缺

右碑篆額八字文三十二行八分書在處州府學此
記總管虞景經歷王文彪經始緝學廉訪副使李端
力成之也文云孫威敏公沔徙建今學時則慶厯詔

下按宋陳孔碩修學記云校園經及郡記康定中孫
威敏公沔始徙學建廟于今址然考之郡守題名及
蘇舜欽記則威敏之來實景祐四年迨寶元二年爲
席侯已至經始當在景祐寶元之間圖經舛矣此碑
所述猶仍誤說也

元徐僧錄等造像題名

大元國功德主徐僧錄等命捨淨財鑄造毗盧遮那佛文
殊師利菩薩普賢菩口三尊端爲祝延皇帝萬安四恩三
有齊登覺岸者至元十九年八月日口授杭州路僧錄徐
口口潭州僧錄李口口

右在飛來峯摩崖正書十行字徑二寸

元妙真觀碑

處州路妙真觀記

明遠宏道冲葉法師教門高士 真觀提舉焚修兼提

點住持妙真觀事何 熟立石 翰林侍讀學士奎章

閣侍 學士中奉大夫知制誥兼修國史虞集篆額

浙東山水名天下僊翁釋子之居往往跨岡巒而掩林

余被命分閩客金華 華 松洞天其東與括蒼接境

括蒼山水尤爲浙東冠縉雲之僊都青田之石門實神仙

窟宅余 州縣皆得而寓目焉 爲括蒼治邑唐天師

真人修鍊 閱圖誌神邁意往恨未得以覽其山水

之勝一日公退攜客步 溪 及真人導明

報恩光孝禪寺舊爲天寧 宋徽廟追嚴道場也寺無柴
山主僧惠鄰當擾攘之後服勤忍辱能以供衆餘米又捐
衣資爲助或口買或勸捨得章氏葉氏龔氏山一千五百
餘畝山之下口口一百餘畝以贍守山者畫界爲五歲樵
其一周而復始又得清塘世口三圍久廢之田或成買或
募捨得趙氏陳氏任氏董氏楊氏湯氏方氏宋氏施氏呂
氏朱氏沈氏許氏田五百餘畝三載用工遂成其田每畝
租米一石歲儲三百以爲夏供命耆宿掌之以四月朔日
爲始撥二十石充一寺僧衆終年淨髮又撥五石歸選僧
口口石歸報恩寮俱爲梳髮用冬收就莊支給以酌刀鋤
耆之勞園內有官田二百五十畝佃種輸梁蓋自陵谷變

更田口皆增量倍稅有產之家急於脫去寺遂得而有之
柴米相資歲歲無乏鄰旣詳其本末刻之石求數語示來
者俾勿壞意此住持常事也常事不書此何以書夫魔邪
橫流佛不能救住持不于其法于其賄見在者舐鼎而戀
嫪未來者操戈以斃攘己乃刮骨而剝髓而取償焉於是
寺仆而衆散矣鄰乃能不專其有爲常住計爲大衆計不
亦賢哉迷悟升沉皆由一念不口不貪此心卽佛長口讓
持不退不轉神通妙用日日現前其爲快樂無有限量豈
但賢於口渴口倒之流而已皆至元甲申十一月日記
今具田山坐落頃畝數目下項
常住買到田

雲水鄉口七都杜字貳園田伍畝貳角元買口口乙官人田

雲水鄉十八都上伍保

阡字一園田陸段計捌畝貳角元買龔七乙官人田

阡字二園田叁段計伍畝壹角元買龔七乙官人田

雲水鄉十八都下伍保

阡字五園田陸段計壹拾畝元買龔官人葉八二官人沈

小一道等田

兵字一園田伍段計壹拾肆畝壹角並買龔七乙官人田

兵字一園田貳段計叁畝元買口小一道楊口口等

田

兵字叁園田柒段計九畝壹角元買口道蔣道龔官人等
田

高字貳園田壹畝貳角元買沈小一道田

高字叁園田肆段計貳拾捌畝元買龔七乙官人等田
雪水鄉清塘口口字叁園田

壹拾畝元買口口口口田

口口口口拾柒畝元買賣口口口田

伍畝買到俞口三陳万一等田

陸畝買到王念口下王阿女田

肆畝貳角壹拾步元買章口簿田

口叁段元買李千五

壹拾陸畝貳角捌口元買李上舍田

壹拾畝元買沈知縣田

貳拾陸畝買到沈口六娘子隨奩田

伍畝買到鮑稅院田

壹拾貳畝肆拾壹步買到胡提轄田

口口畝元買萬口田

一檀越捨到田

雲水鄉口口口世字叁園田

郡城迎春界趙承奉口口捨田叁拾畝叁角步修崇先

考府判朝散趙公二月二十二日口忌

世字貳園田

郡城報恩界任安人捨到田玖畝薦亡男口二知錄任公
六月初九日忌辰

郡城方元二官人同弟元三官人捨田伍畝薦考妣二位
正月二十一日忌辰

郡城崇新界口口口平安界陳口口口同捨田肆拾畝叁
角叁拾柒步修崇先考口口口施十七楊幹口忌

郡城口尺港口口幹口田貳拾畝口口口口口口口口

口福資報祖口

郡城口樓界口口口口口田肆畝口口口先考小三口
口口口口

郡城口口界董千五口口口口口拾捌畝修崇亡夫董千

五郎四月初五日忌亡男董万四郎五月初五日忌

府城西口界□□□□捨田陸畝叁角叁拾步保延母親
沈氏□□壽□康寧

府城迎春界楊將仕□□□□□楊茂捨田壹捨貳畝
薦先考楊□□□□□月十七日忌

府城飛英界陳六七秀才捨田玖畝修崇曾祖□□□□
□□忌辰

右碑篆額十二字碑文廿二行下截刻田山坐落頃
畝數目五十二行俱正書在歸安縣天寧寺內此天
寧住持德鄰營贍衆之資而紀事也下刻田畝及隨
畝忌辰頗稱井井其用意深矣是時宋亡已五年故

撰文篆蓋若止書郡望而不結銜按陳存字體仁龍
泉人太學上舍淳祐七年第三人文章政事皆有聞
譽仕至兵部尙書端明殿大學士知慶元府沿海制
置使文及翁字時學綿州人有咸淳五年傳貽書院
記末云朝請郎直華文閣權知嘉興府兼管內勸農
事節制澈浦金山水軍文及翁記兩浙名賢錄及翁
綿州人徙居吳興厯官資政殿學士有名朝野宋亡
元世祖累徵不起閉門著書有文集二十卷

元方暹等玲瓏山題名

至元甲申歲除前十日里人方暹田進偕年兄紫陽方口
口工同邑唐從龍宋口口禹里鵬舉來游時積雨初霽山

色更好覽物之情勝常時歌誦裴回少焉月出於東山之
上矣是夜宿先師南庵白雲深處

右在臨安縣玲瓏山石門下摩崖正書九行字徑二
寸按方氏爲元時著姓宦宅皆在玲瓏山下平壤約
數百畝至今裔人時有拾其遺釵墮珥者所云南庵
亦宋季香燈功德之類今亦不知其處矣

元釋教都總統題名

功德主江淮諸路釋教都總統所經歷郭

正書下闕字
徑一寸餘至

元二十四年歲次丁亥三月

小楷書下闕在右

右在飛來峯摩崖在宋王庭書龍泓洞三字之左疑
亦造像題名西湖志誤作書龍泓洞者署名仍靈隱

兩湖金石志卷十四
寺志之誤今分列于此

元趙文昌玲瓏山題名

至元丁亥冬十一月朔日濟南趙文昌明叔題

右在玲瓏山九折巖上摩崖正書三行字徑三寸餘
此刻玲瓏山志未載

元國書讚刻字

至元二十五年八月口日建功德主 僧錄液沙里兼讚
右在飛來峯摩崖七層字徑寸餘未詳款字正書徑
一寸末云兼讚是亦造像題語也

元董口祥造像題名

總統所董口祥特發誠心施財命工刊造觀音聖像上答

洪恩以祈福祿增崇壽年綿遠者大元戊子三月吉日題
右在飛來峯摩崖正書五行行字不等按總統所應
卽前釋教都總統所也

元世祖免秀才雜泛差役諭旨碑
上層國書九行不錄

長生天氣力裏

大福廕護助裏

皇帝聖旨據尚書省奏江淮等處秀才乞免雜泛差役事
准奏今後在籍秀才做買賣納商稅種田納地稅其餘一
切雜泛差役並行蠲免所在官司常切存恤仍禁約使臣
人等毋得於廟學安下非理搔擾准此

至元二十五年十一月日

右碑上列國書下列正書八行在紹興府學元按湖州路夫子燕居堂記謂今上皇帝鑒舊制誥萬方優儒蠲役仁其家卽謂此旨世傳元季待士最薄至有九儒十丐之目讀此碑知其爲不然當時諸學皆有今所傳惟此耳

元釋淨伏佛國山石像贊

大元國杭州佛國山石像贊

永福楊總統江淮馳重望旌靈鷲山中向飛來峯上鑿破蒼崖石現出黃金像佛名無量亦無邊一切入瞻仰樹此功德幢無能爲此況入此大施門喜有大丞相省府衆名

官相繼來稱賞其一佛二佛口起模畫樣花木四時春可以作供養猿鳥四時啼可以作回向日月無盡燈煙雲無盡藏華雨而紛紛國風而蕩蕩願祝聖明君與佛壽無量爲法界衆生盡除煩惱障我作如是說此語卽非妄

至元二十六年重陽日住靈隱虎巖淨伏謹述大都海雲易菴子安書丹武林錢永昌刊

右刻在西湖飛來峯摩崖正書十四行字徑一寸按楊璉真伽刻諸佛像于靈隱石壁而以己像雜廁其中卽此淨伏作贊事也明嘉靖間知府陳任賢覓得之擊其像梟其首于山下同時田汝成有誅禿記詎知大書深刻猶有爲之頌德者蓋當時未及見之也

元造釋迦像殘題名

□□江□□□□□特發誠心施財命工刊造釋迦如
來一尊上□報□皇恩以祈福祿增崇壽年遠者大元庚
寅歲四月吉日題

右在飛來峯摩崖正書五行行字不等

元脫脫夫人造像題名

大元國功德主榮祿大夫行宣政院使脫脫夫人□氏謹
發誠心願捨淨財命工鑄造金剛手菩薩聖像一尊端爲
祝延聖壽萬安保佑院使大人福祿增榮壽命延遠家眷
安和子孫昌齡至元二十九年閏六月日建

右在飛來峯摩崖正書六行行字不等

元慶元路重建儒學碑

慶元路重建儒學記

前進士王應麟撰

中議大夫浙東道宣慰副使李恩衍書

正議大夫浙東海右道肅政廉訪使王宏篆蓋

四明自唐爲州始有

夫子廟宋始建學規模豐敞棟宇穹崇庠聲序音冠于左
浙英俊之域綏寃所興文獻益彬彬矣至元十九年春學
燬於融風教授潘夢桂黃裳吳宗彥史復伯厯載繕葺經
始禮殿門廡精舍寢以略具講經有席養蒙有堂皆草創
未就二十八年冬肅政廉訪使陳公祥下車謂博士諸生

曰化民成俗勸學爲先嘗聞曠者輪奐之盛意不止是蓋
飭工掄材以復舊觀顧儀門廡隘弗稱從祀客服弗嚴越
明年夏鼎新高闕資飾貌像六旬而畢二堂亦告成又惟
斯文與天地並必華榱岑樓式茲厥藏因重建尊經閣五
楹里士訢然競助教授蘇君焱搏約學廩績其不給同知
府事阮公麟翁提其綱庶工丕作民不知勞幕掾韓君居
仁計畫展勤不愆于素秋九月閣成業綬壯偉衿佩聳瞻
咸曰六經如日月陟降庭止惠我光明恢人文以迪化原
維賢使者之德且將以舊門及堂更立先賢祠正錄序繚
以垣墉制度於焉大備蘇君請識成事于石應麟耄不能
文惟諸侯之學載於禮詳矣在易臨之象曰君子以教思

無窮澤上有地猶君子之近民也近民則禮達而教行建
其牧立其監有師保之義凡以存天理淑人心而已矧是
邦爲詩書之鄉逸民之黃純孝之董文士之任自漢以來
爲美談慶厯諸老模範後進淳熙大儒闡明正學惟聖賢
是式惟德性是尊小而灑掃應對大而格物致知目濡耳
染充然有得每歲孟春衣冠濟濟齒位秩秩司徒之教倫
黨正之禮飲流風遺俗今猶未墜南豐曾公忠肅陳公繼
爲守貳表率薰陶東諸侯莫逮焉春秋大復古學之復道
之泰也夫不農不工何以謂之士非老非釋何以謂之儒
行己有恥尙志仁義士之實也爲君子儒夙夜彊學以待
問儒之實也游於斯肄於斯盡亦踐其實副其名乎郡國

有學昉于漢二千石所察惟曰好文學敬長上肅政教順鄉里三代考行之意藹如也升堂聞金石之音入宮牆見宗廟之美因作新之機而自新其德業孝悌忠信爲根本明誠敬義爲準的始於離經辨志成於知類通達用御承蒞莪樂育之仁不在茲時歟昔魯僖公能修泮宮教澤浹乎海邦其俗秉周禮守經學一變至道聖人稱之誰謂魯遠道無古今師友淵源緒接洙泗頌其詩尙論古之人罔俾克廣德心專美魯之多士凡我同志懋敬哉歐陽子有言善教者以不倦之意須遲久之功禮行俗純然後爲學之成是用述其始成以詔永久俾無忘是歲冬十月己亥

記

學正施墳趙必昌學錄姜材之陳自同立石

茅化龍同
男口口口口

右碑篆額八字文二十三行正書在寧波府學此記
廉訪使陳祥緝廟教授蘇焱輔成之而乞文于伯厚
也按伯厚生宋嘉定間斯時已七十餘故云耄不能
文所云逸民之黃者漢四皓之一也純孝之董者江
都相仲舒七世孫黯字叔達以隣子辱母不起黯卒
殺隣子祭母自囚以告帝詔釋而旌之慈谿所由名
也文士之任者任奕字輝臣勾章人著書十卷名曰
任子朱育嘗稱爲文章之士謂其立言粲盛艷若春
榮者也李思任王宏陳祥阮麟翁施墳趙必昌陳
自同皆可補志乘之闕潘夢桂鄞人黃裳眉州人

元楊謹造多聞天王像題名

大元國大功德主資政大夫行宣政院使楊謹發誠心捐
捨淨財命工鑄造多聞天王聖像一尊端爲祝延皇帝萬
歲國泰民安法輪常轉四恩總報三有遍格法界衆生齊
成佛道者至元壬辰二十九年七月仲秋吉日建

右在飛來峯摩崖正書七行字徑寸餘

元陳天瑞月巖詩刻

怪石堆雲矗太空女媧鍊出廣寒宮一輪常滿陰晴見萬
古無虧晝夜同搗藥聲繁驅白兔漏天孔正透清風光明
自照如來境肯學姮娥西復東

至元癸巳中春望日江干後學雪江陳天瑞題

右摩崖正書八行字徑二寸在西湖鳳皇山月巖陳
天瑞字德修號南村天台人公輔之後也登咸淳元
年進士與周敬孫楊珏楊錡俱師事王魯齋明性理
之學爲金華令有能名宋末隱遁林壑詩文極高古
效淵明有甲子文集五十卷互見元史周仁榮傳中

元崇奉孔聖諭旨碑

上層國書廿九行不錄

上天眷命

皇帝聖旨諭中外百司官吏人等孔子之道垂憲萬世有
國家者所當崇奉曲阜林廟上都大都諸路府州縣邑應
設廟學書院照依

世祖皇帝聖旨禁約諸官員使臣軍馬母得於內安下或聚集理問詞訟褻瀆飲宴工役造作收貯官物其瞻學地土產業及貢士莊諸人母得侵奪所出錢糧以供春秋二丁朔望祭祀及師生廩餼貧寒老病之士爲衆所尊敬者月支米糧優卹養贍廟宇損壞隨卽修完作養後進嚴加訓誨講習道藝務要成材若德行文學超出時輩者有司保舉肅政廉訪司體覆相同以備選用本路總管府提舉儒學肅政廉訪司宣明教化勉勵學校凡廟學公事諸人母得沮擾據合行儒人事理照依已降

聖旨施行彼或特此非理妄行國有常憲寧不知懼宜令准此

至元三十一年七月日

右碑上層國書諭旨二十八行下層譯文正書十八行在紹興府學元聖廟旨惟加封號一碑傳者最多此刻不見他處讀之知其待士周詳孰謂元世輕儒哉

元雪菴書八大人覺經

佛說八大人覺經 經文不錄

至元三十一年十二月二十有七日雪菴爲弟子惠口書夫人之在心猶魚之在水也魚之在水果知水平人之在心果知心乎魚能知水則龍已人能知心則聖已故曰百姓日用而不知嗚呼人爲萬物之靈生旣不知所

以生死又豈知所以死乎一不知則永不知永不知則
無所知矣人而無知可口口哉於是大覺聖人見而悲
之曰奇哉衆生具有口來吾已先覺彼猶不覺不覺則
昏迷長夜終口旦矣是豈忍乎遂揭衆生日用不知之
知開爲口覺雖淺深階次所用弗同要而言之從凡入
聖口覺覺他靡不滿也此經凡三百七十一字言簡口
豐遮照精深有而能無無而能有能得一覺口夢頓醒
況得入覺者乎元至元間雪菴光大師口稱能書此
經若干卷流行海宇自元迄本朝口三百矣萬厯辛卯
四月望日鶴林葉公偶得一口于本寺明秀禪房憲副
包公鑄石以壽其傳願口得見而覺之覺之則爲大人

不覺斯爲小人矣 達觀可道人跋

元雪菴大師所書八大人覺經我國朝嘉靖間大林法師曾臨書于榜置東塔佛閣下歲久不無爲風塵之所晦蝕達觀老師念之一日自五臺寄聲于樵欲樵爲是書不朽計樵奉命拂拭瞻禮間恨其真蹟不可得而鶴林葉師多方購得之持以示樵不啻球琳琅玕之寓目也神物之出會有其時信哉遂命人勒石以爲山門世寶且僭附數語冀不泯諸師勤勞云若是經真覺大義達觀老師宣揚已悉樵復何言皇明萬厯壬辰仲春吉旦澹然居士包樵芳謹識

右刻在嘉興東塔寺正書百十五行行四字字徑四

寸款四行字徑寸餘後有達觀包聖楷書二或三十
八行敘某刻之由元按先覺字本出尙書達觀跋云
人能知心則聖又云揭衆生日用之知爲覺覺之爲
大人然經云心是惡源形爲罪藪則仍彼之爲覺而
非吾儒之覺也特以溥光書雄偉勁技追蹤平原于
宋四家後別樹一幟當時所書若干本隱與智永八
百競爽是所當亟錄者歟

元嘉興路儒學正禮堂基地本末碑

皇帝聖旨裏嘉興路達魯花赤總管府近承奉

江浙等處行中書省劄付爲取勘廢寺田土公事仰本路
如行宣政院樞密院御史臺到彼就於本路摘差正官一

員與各衙門官員一同欽依

聖旨事意施行奉此移委本路治中朝列一同僧司官僧錄約會取勘去來有

簽行宣政院事到來取勘各各廢寺准僧司關備奉

簽行宣政院事劄付據祥符寺僧惟寧告并儒學呈互爭地土公事核奉

簽行宣政院事劄付該據嘉興路大中祥符寺僧惟寧并儒學呈爭告元便換本寺基地公事得此今將僧惟寧告狀并儒學元呈抄連在前使職照得僧惟寧告亡宋端平年間以儒學秀才擅將本寺基地建造正禮堂等屋本學行撥付張十三戶絕沒官田土貳拾伍畝歲收租米壹拾

五項見行爲主經今一百餘年又稱上項基地係當來府學將田易換卽係便換事理相度倡與占奪田土不同難議定奪據此合下仰照驗施行奉此除外關請照驗施行事准此摠府照得祥符寺與儒學互爭土地旣奉簽行宣政院事所擬合下仰照驗依上施行須至指揮右下本路儒學准此

國書印押不錄

嘉興素號望府學有尊經閣所以藏經史及諸子百家之書也是閣自宋有之蓋經始於紹定癸巳告成於端平甲午元名曰御書後改今名初知郡趙公欲創是閣而無其地遂卽正禮觀頤二堂及直舍之地爲之而直舍之後爲

官道官道之後爲民居民居之後爲祥符寺菜園地趙公
旣以幣易民居又以田易寺地而遷正禮觀頤直舍於官
道民居之地遷官道於寺地 北其寺地週迴僅十五丈
所收之利惟菜蔬而已而所易之田則凡貳拾有伍畝且
歲收白米拾有伍碩焉夫以多而易少以有收而易無收
趙公益亦重釋教而欲有以陰利之爾至元癸巳寺僧惟
寧不知顛末入詞陳告謂本學占據寺地起造正禮堂等
處猶幸其抄連本學元給換易文憑在前由是得蒙
簽行宣政院事張公灼見當元係是便換委非占據遂行
下僧錄司及本路總管府轉下本學照驗明該別無定奪
今將指揮勒諸堅珉以示來者云嘗任其事者前教授唐

林教授趙由倭何觀前學正張嗣良學正范華國方惟賢
張赫前學錄顧文學錄丁廉孫吳端孫前直學吳雷發
劉龍友直學程俊發 孫也甲午四月望日何觀謹書
松崖陳斗南刊

右碑篆額十二字文兩列上列刻總管府指揮下列
刻何觀記基地本末俱正書在嘉興縣讀後記知後
傅龍光重修學記所云天戈南指臣附之初辟道者
乘之以爲市學田浸入私戶奪入浮屠歲久削益甚
而去其籍者洵不誣也教授諸職有書前者殆亡宋
之人歟

元麗水縣建學碑

麗水縣廟學碑陰記

古者立學凡養老教子弟學禮合樂射飲受成入告之事皆在焉不顧主於誦讀也舍奠六祭菜三各于其國之先聖先師爲位行事逮魯祠

孔子漢文翁興學成都作石像圖七十子於壁開元追尊素王之道宇象徧天下今廟學擇山其昉于此自令尹韓君旣作明德堂百里秀民間風興起前邑尉沈清孫邑士林宗高劉口廢諸生服訓尙志相勵具材助剏兩序四齋廉訪簽事秋公聞而嘉之合同祿在官者聿新禮殿尹莅事唯謹克用有成板榦砥礎瓴瓦甃磚稱事適用丹漆黝望之飾咸底于法載考祠制率列門惟三門各通道茲顧

闕焉垣荒級夷井所以嚴王祀崇聖法也迺築廟門外之
西偏闢戶峻階完舊益新中列二十四棘翼以仞墻又大
治櫺星門申嚴外衛循山環堵千有餘尺旣勤瓦墁不歲
用苦築宏規遠圖無小大無不殫智畢力齋各置器用几
榻外施闌檻導挹清曠煙雨雲山空濛出沒天地四時之
變古往今來之迹俛仰在望令人樂以忘憂悠然有浮雲
富貴之想皆爲學之助豈馳騫於外物也哉廟立之明年
承事郎曲呂不出由西域爲邑長官知尊

先聖作貌位神尹復新坐祀一十四人象圖繪賢庶冕舄
裳衣革去訛謬率由周禮丹青彰施儀瞻孔肅簿樵川吳
君友中捐資僦工制獻象爵站簠簋饌俎豆籩以共祀事

俾邑人知禮識古由唐而來上下五百年間興廢凡三末
有盛於今日者也惟尹英毅精敏剛斷勇爲能振紀綱以
整齊其邑吏刈寇攘讐固郊封脫人於兵居十年戰功治
行卓爲諸邑最雖臨之大府徵需叢劇尹處之優游有裕
征賦先集獄訟以簡蓋天才也而於是舉知以爲先故能
行之無倦終始惟一用集成美在上以爲能同列相叶不
以爲忌邑人就事服勞以後爲羞不以爲病苟推此以往
則禮樂之化豈惟百里之民哉諸生旣請刻石立於廟門
之右余復卽其陰以書元貞丙申七月旣望前文學掾王
度書

謀及□□□□栗何南一至職工始訖功自興役以來

凡七年典史周琪王益友

右碑文二十一行正書碑尾另記訖工歲月小行書
二行在麗水縣學此碑陽面已於康熙間磨去刻某
學使德政碑此述韓國寶作明德堂前尉沈清孫翺
兩序四齋廉訪簽事某公作櫺星門承事郎西域曲
呂不出作貌位主簿吳友中制祭器而文學掾王度
書之撰文者卽碑正之人已磨去故不傳文言中列
二十四棘此制不見他處明德堂明成化時叅議某
修學改爲明倫堂

元麗水尹韓公生祠碑

麗水縣尹韓公生祠之記

元貞丙申秋九月

麗水縣尹韓公建學成明年二月既受代諸生懷其德繪像奉祠示不忘也請余記謹按漢史齊祠石相燕社樂公皆生以禮事卽其賢行能起人之敬慕況有功於名教者哉

廟學自昌黎作碑而名天下後因徙建屬之麗水地陋屋庳茂以崇典法隆體貌間數葺治率因陋就簡不能出意經畫公後昌黎五百載來治茲邑首以興學爲事初講堂之北無餘地求諸鄰得爲丈者脩五廣十有三獨運新智貫石案基其崇如脩之數復捐私帑構巨厦撤舊而新之高明閑爽羣視聳動仕是邦者始輟俸鳩費議作禮殿

而公實庀其役卽舊址拓而大視故宇增而高日蒞程督
凡木金石之工心畫指授咸聽麾使磚甃版塹丹堊黝
漆莫不中度晨入暮歸雖寒暑不懈越三年而殿始成棟
宇崇闳圖像嚴顯濟濟穆穆聖道益尊且闢門而三面乎
南以挹谿山之秀爲齋者四翼乎外以覽風物之美以至
房廡庖廩百爾具備公猶以爲未也又改剏櫺星門旁
挾短垣中通層級環四隅爲牆餘百丈茨塼弗久悉覆以
瓦而加之墁精神所到表裏纖鉅靡一闕遺繇經始以迄
于成壹是公之力於戲括學呂韓碑增重今而復有
韓令尹出任斯事造物固有所待而擬斯人也邪公天
資峻明深與道合爲政知所先後於是舉也盡心力而爲

之規撫氣勢雄壯軒豁匪直冠他邑且邁往昔厥功可謂
大矣諸生畱像而祠之宜也且求文爲記余語之曰像而
祠公意且不欲奚庸記有復于列者謂像則存之於目以
固其心之所敬記則寫其心之所敬使昭昭乎其常在目
也抑泮水一詩頌僖公能修泮宮首言敬慎威儀維民之
則至今如見魯侯之像次言允文允武而獻功獻馘者咸
在焉夫豈專記修泮之事今公智謀勇略足以治劇御
繁邑介閭窺巖險川悍鄰寇竄伏其間公三佐元戎芻
糧械器畢給且領偏師出奇而勦平之脅從者悉全活民
犯僞禁能發姦如神鄉社警嚴而盜跡屏息至若糊陂舍
爲廉使治所編稽戶版考覈公田浚溝池曰扞城架浮梁

盡治邑十年久請士俗賦平役均獄訟益簡四境之內晏如斯民仰事俯育始知有生之樂究公所抱豈止最一邑哉余請效泮宮之頌魯卽公之治績牽聯以書公名國寶字君玉口口人大德元年八月吉日麗水縣儒學教諭施栗記教諭何南一書教諭蔡祥卿篆額耆宿長諭岑奎等立石

右碑篆額十字文二十一行正書在麗水縣學此文前述韓公國寶繕緝之周並立祠之旨後述其智謀勇略治劇禦繁歷任十年百廢具舉當時崇祀既有祠迄今名宦之馨香未已也施栗何南一舊志俱不

載

元修嘉興路總管府碑

重修嘉興路總管府記

嘉興澤國也左杭右蘇負海控江土膏沃饒風俗淳秀生
齒蕃而貨財阜爲湖右最至元丙子春

天戈南下民不改聚市不易肄

聖朝福是邦也宏矣深仁厚澤涵濡至今民居增葺尤盛
於昔獨郡宇歲月滋久風雨交蠹東傾西圯上漏旁穿前
乎牧守視猶傳舍大德戊戌大中大夫達魯花赤撒刺兒
字仲文中憲大夫總管辛公仲實字仲和接踵而至公餘
相與言曰府治久弊殊失具瞻欲鼎新之而力未逮捐已

係以率先則必有好事者以輔吾志諭諸賓幕僉議允合
邦之名公達宦富家大室聞者莫不鼓舞欣躍樂爲郡助
爭趨而來惟恐殿後甲者曰某修某處乙者曰某建某所
願傾資市材者有之願輸粟餉工者有之至於釋氏之徒
亦施願力曾無靳色是皆出於自然而非使然也由是百
工具興斲者削者鋸者鑿者塗丹雘者咸精其能經始於
己亥仲夏之朔落成於仲秋之望自麗譙而儀門由公廳
而燕室徹表徹裏無鉅無細靡不輪奐飛藻繪彪炳偉
哉若茲盛美前所未聞後所創見邦之士若民咸願勒石
以垂不朽而求記於余余謂天下事創始易起廢難起廢
非難辦於不擾者爲難矧此舉非細故也官不費財民不

知役不日而成向非有大力量大謀猷疇克爾彼如亭數
椽於道旁爲行者休息梁一木於水濱爲涉者往來猶且
書其名於其善傳之悠永況堂堂大藩數百餘年之所置
建三十萬戶之所瞻依一旦興廢補弊振後光前黼黻太
平官府詎容不大書特書以侈其傳雖然豈特土木之工
而已哉凡郡之弊政民之汙俗悉作而新之尤可嘉已於
是乎記是歲仲秋旣望里人前太學進士金吾譔崇德州
儒學教授劉文原書并篆額總管府提控案牘韓昱邊汝
翼將仕佐郎嘉興路知事薛亨從仕郎嘉興路經歷趙昇
承事郎嘉興路總管府推官劉鐸承務郎嘉興路總管府
推官燕允賢承信校尉嘉興路總管府判官岳元魯赤朝

大夫同知嘉興路總督府事李衍等
嘉禾曹梓明德新陳琇鐫

右碑篆額九字文正書十六行在嘉興縣此述達魯
花赤撒刺兒總管辛仲實捐俸營府事凡三月而成
金吾記文極言樂助者爭趨而來至于釋氏亦無靳
色明年又偕修學傳光龍記謂發舒文明何啻晦冥
此撫觚之體固然亦見當時二職互制也金吾又見
後學田復租碑結銜同而書望爲雋里應卽橋里

元重建艮山廟碑

江浙杭爲鉅鎮行省蒞口分鎮者四翼益都舊軍寔爲土
閭營之東北隅故有土臺上存一廟以事土神而傳志無

聞詢之耆舊則曰艮山廟也杭城周四十餘里爲門十有三其東北曰艮山以雉堞之餘築臺建廟因以名之今府營屯州城之東北闢治鎮府營之東北而神廟又居闢治之東北焉此說庸有可證其臺高廣不踰尋丈基圯霖潦室圉風日每脩輒毀至元戊子歲海宇會同武備多暇江南鎮戍歲久者輒易地以均遠近勞佚之勢以故軍府由蘇易杭營仍其舊達魯花赤昭勇拔觀公監肅軍容萬戶輔國鄭公祐帥正師律副侯宣武李公字蘭奚倅貳戎政協恭和衷諸闕視倣由是叅佐協心偏裨聽命閱畢寔繕器械練習以時卒無玩愒凡軍政有未便士情有未安者亟請于上□□之乃闢閱場築射圃新鼓角樓又新安

樂堂以至營房口鋪門鋪周牆馳道通渠口做車陘緩急
適宜如是者十有二季井而不紊居一日公務彌暇萬戶
鄭公謂二公曰吾儕幸逢盛際四方來庭邊鄙不聳按甲
寢兵以效守禦口安下和百廢粗興繫神之佑後圃有廟
頽圯失祀是以缺典盍撤而新之以答神貺二公曰然乃
鳩工度材因臺爲基甃其旁使土不墊石其除使杜石顛
前做月臺下疊砌像貌供設丹雘黝堊咸稱其制成不終
日而下無所擾廟後建數椽處浮屠以奉祀事併新其東
南之三廟落成之日凡軍之將士謁予請記之予謝不敏
衆皆曰軍府分鎮有年士守紀律民安田里三帥德政昭
不可泯而神之所以陰相而默佑之者亦不可誣也今斯

廟鼎新則于治人祀神之道兩得之矣蓋誌歲月以傳不朽子其何辭予曰諾敬泚筆以書于石旨大德己亥孟秋望前鄉貢進士紹興路儒學錄古杭口德章記并書

右在城東北隅艮山門外小土山側按艮山雜記云此碑云雉堞之餘築爲土臺可知此阜所由來也宋紹興時東北城門已具有艮山名者艮爲東北之卦門位東北命之曰艮兼山爲艮命之曰艮山不必實有山也歲寒堂集艮山東麓南渡宸遊看新綠處今則一坏之土耳文云益都舊軍寔爲土闢元史世祖本紀至元十三年伯顏悉罷宋官府散免侍衛禁軍兵志十八年詔以征東畱後軍分鎮慶元上海澈浦

三處其於城內兵守無聞焉惟萬厯府志載二十二年于杭州置萬戶翼二十七年以杭州行省諸司府庫所在置四萬戶府分兵閱習艮山之鎮卽四翼之一也

元重建蕭山縣儒學大成殿碑

蕭山縣學重建大成殿記

前翰林直學士奉訓大夫知制誥同脩國史張伯

淳撰

前集賢直學士奉議大夫太原路汾州知州趙孟頫書
朝列大夫江浙等處行中書省左右司郎中賈仁篆額
縣有學學有

大成殿凡皆然不特蕭山也蕭山爲邑西瞰錢塘東接千巖萬壑之秀宋紹興間建學文筆峯前拓址恢規自昔爲諸邑最弦誦聲日相聞名公鉅卿彬彬輩出

皇元混一以來士由學者咸給復部使者往往能以宣明勸勵爲上任以故飭弊植僵視前弗替當至元壬辰歲廉訪副使東平王公侯旣宏闢鄉學行有餘力重建新學時教諭山陰王酉焱亦旣營治如家不日而成當有紀其事者惟殿之成欲速不皇擇木曾未十稔腐弗克支大德戊戌縣尉大名王振麟伯教諭天台陳處久德可四明陳適文卿首議撤而新之旣而尹燕山王琛君寶來止慨然謂宜主簿太原王泰亨仲通與達魯花赤可馬刺丁咸是其

議顧力有不逮會是秋副使拜降公簽司事王公煥循行至邑奠謁已諸君闔辭進曰殿不稱學不亟圖之將壓焉戾止藻芹顧瞻若是爲士者獨無內愧乎二使者作而曰是余心也若所言犁然有當謀旣僉同於是邑令提其綱尉相其役教諭傾廩以經其始諸生莫不輸材薦力起己亥歲夏四月至秋八月告成易腐木而堅改舊觀而新民不知役士無異論奐然翼然過者駭目洞心於乎盛哉竊謂士君子之於學患不固耳思必精辨必明行必力然後見諸日用而不悖猶之農鹵莽滅裂而種其報亦將鹵莽滅裂向使當時工善度材官不計速效殿雖厯千載猶一日也欽惟

制誥婁頌崇尚

孔子之道有地治者罔敢行其胸臆以壅

皇澤士何幸然士所學何事如徒切切然求以復其身而
其所以自立則惟苟且是務殆與前所謂腐木者奚以異
可不懼哉德可於伯淳爲中表道其修建顛末爲詳惟麟
伯儒而通見義有勇故於是役宣力靡不至文卿名家子
敏而好脩身惟心任蚤夜弗少懈令佐皆知所本故能底
於成然則豈偶然哉矜佩來游知其成之不易而責效之
不可以速則在我者必將求爲可久之道是豈施於繕脩
一事而已邑之官若士謂伯淳曾職太史氏言或可信後
求文以垂不朽因述所見聞云然尙相與勉旃德可昔嘗

有位于朝介特可稱云

大德三年十月 日記

古杭謝杞刊

碑陰

蕭山縣新文廟碑陰記

大德三年八月辛亥哉生明越五日廟成翼日丁巳釋奠于新廟用幣縣長貳師弟子咸在既受福東序還位揖于庭曰美哉廟厥亦勤恤匪易皆敦讓言因敢以爲功亦既伐石門外右盡載輸材氏名實諸石陰適來請記故廟在雷壤東偏庠下陘隘賢令陳公南相方度宜以從實于茲土後百廿年張公稱孫貴盛爲山疏溝復作廟又後卅有七年當至元廿九年廉訪使者行縣貳學官作廟堂門廡

始訖丹漆黝堊事蠹蝕材且盡處久適懼弗卽就請用良
易蠹尉奮曰厥初擇材弗于其良今弗良圖疇克久語合
尹意長官主簿暨典史陳英咸贊尹自調工材所出營度
略定廟卽日撤去故材蠹中因有腐寸完張公孫堅先輸
其良以勸羣士伐木薦材以後爲此復合師弟子月入粟
布用佐餘費範金斲木與日出入尉日至臨視適程督益
虔靡間暑雨成廟之改月處郡洪天澤代處久任猶未塗
墍茨天澤緒成諸廡基匪堅埴又將摧方議葺廡外內且
完尉亦歲滿受代去長孺曰作新廟惟材暨工有弗獲因
克臻廟成弗錄何勸爰作記以貽後廟記翰林直學士張
君伯淳所作是爲處久私親昆弟廟事核故弗復書十月

癸亥哉生魄越四日丁卯金華胡長孺記漁陽鮮于樞書
陳適立石鑱者謝杞

右碑文正書二十五行碑陰正書二十二行在蕭山
縣學此碑述至元壬辰廉訪副使王公侯建新學而
創殿匪材厯七年大德戊戌縣尉王振等撤新之又
輔以達魯花赤可馬刺丁等之謀而始成太史張伯
淳記之碑陰記大德三年落成釋奠于新廟用幣而
兼及爲山疏溝丹漆黝堊等事亦厯數年而蒞事金
華胡長孺記之一般之成多厯年所可以知其時事
矣張伯淳字師道崇德人登咸淳進士擢太學錄至
元中被薦入見世祖問冗官風憲鹽筴楮帛皆當時

大議對悉稱旨授翰林院直學士詔命皆出其手同
修國史拜侍講學士有養蒙文集行世胡長孺字汲
仲永康人淳祐進士至元二十五年拜集賢修撰改
教授揚州移建昌錄事至大初轉台州路寧海主簿
延祐元年轉長山場鹽司丞以病辭隱杭之虎林山
見元史本傳

元宣慰陳節齋祠堂碑

故宣慰節齋陳公祠堂記

前進士俞浙謨奉議大夫江西東道肅政廉訪副使臧
夢解書承直郎江南諸道行御史臺監察御史門人李
仁篆蓋

評論人物之道不當但核其事而當洞察其心心何有哉
仁是也仁何物哉公理是也人惟公理存心則理重於我
以我殉理雖易生而死可也一或私意間之則我重於理
以理殉我雖三綱淪九法斃勿顧也昔夫子稱殷有三仁
而不輕以仁許令尹子文及陳文子者正指其心之所在
也三仁生死不同而心同於爲殷我無與焉故曰仁彼子
文心乎楚而不心乎中國無王也文子心乎身而不心乎
君無上也天下寧有無王無上之人而得謂之仁乎哉由
是推之故宣慰使陳公之死於篡寇也其事固可悲其心
不幾於殺身成仁而無求生以害仁者乎公諱祐字慶甫
號節齋趙郡寧晉人至元十四年丁丑冬公以湖東宣慰

來旬境內抵新昌新昌鄰境發之玉山也玉山多悍夫先
有欲逞悍於一使者呼儔五百餘輩約便道爲邀寇計風
傳來期適與公相值邑人亟白公曰寇鋒必銳姑少避之
公曰吾以宣皇靈慰民望爲職不幸遇寇弭之可也避之
可乎縱吾可避如百姓魚肉何不負

朝廷羞使節乎況寇亦吾民也吾將道

天子德意志慮昭示利害禍福使知向背以盡吾職無愧
吾心而已卽畱止縣治翼旦左右白寇至公肩輿招諭聲
囊橐勞之寇認爲前使者喧呶洶涌不復聽命擁衆直前
公遂死焉寇徐覺其誤驚駭鳥散嗚呼公以赤子視寇寇
不以父母視公公爲寇特開生路寇乃納公於死事之例

施有如是者天平命耶天平命耶或疑公此舉可以死可以無死死殆類於傷勇矣吾謂此說者但以事之成敗議公非以心之公理知公也公倉卒遇寇武備不及設文誥不及施自常人處之肝碎膽落奉頭鼠竄惟恐不速公氣宇雍容惻愴上念

國恩不慮生民毅然隻身橫當寇衝雖事執蹉跌卒能殉理以死吾竊意英魂陟降猶以不克竟其大勇自恨尙何傷勇之有則凡低回太息仰天俯地不滿於公之一死者固公之所憫笑而麾斥者也烏足爲知公之心事哉吾固以爲公之死根源於此心之公理深有合於吾夫子殺身成仁之義非天下烈丈夫能爾哉公旣死邑人壯而祠之

閔甘有三載庚子邑令王光祖求文爲記固辭不獲因爲
發明其心事以表見於當世且取屈騷數語隱括以歌之
歌曰出不入兮往不返平原忽兮路迫遠帶長劍兮挾秦
弓身雖死兮心不懲凜壯節兮神以靈魂魄毅兮爲鬼雄
若其歷官行事無繫於新昌者茲不載大德四年六月望
日謹記

右碑在紹興府學文二十四行正書字徑一寸額書
故宣慰節齋陳公祠堂記八字字徑四寸按碑載陳
祐字慶甫趙郡寧晉人至元十四年任浙東宣慰使
爲婺寇所殺邑人哀而祠之閔甘有三載邑令王光
祖爲立此碑時大德四年六月也王光祖職官表遺

之俞浙字秀淵新昌人開慶己未周震榜進士見題
名碑著有杜詩舉隅一書宋濂序之云先生出典方
州入司六察其冰蘖之操諒直之風凜然四著不幸
宗社已亡徘徊于殘山剩水之間假子美之詩以洩
其胸中之耿耿據此則其在宋時曾經入仕而此碑
系銜仍書前進士亦寓不忘故國之意也臧夢解字
君舉宋末中進士第至元十三年內附大德初官江
西廉訪副使後遷廣東廉訪使以老病致仕史稱其
博學洽聞爲時名儒而敏於政事操守尤爲介特嘗
自號魯山人稱魯山大夫李仁事蹟無考

元嘉興路重修儒學碑

古者建國君民教學爲先學之有關於人倫教化也尙矣
堯舜禹湯文武所以化民成俗鮮不由學周轍東

異端起人心日以不古風俗日以不熾而綱三常五賴以
不墜者學存焉耳我

皇上嗣登

寶位克繩

祖武深惟

夫子之道垂憲萬世有國家者所當崇奉乃

詔風憲牧守之官惓惓焉以學校爲先務猗歟盛哉唐虞
三代聖人之用心也永興郡學舊在望雲門西偏 建炎

兵火徙州治東之故賓館紹興壬戌凡三遷迄定所

地寶祐丁巳益而闢之廟學始完居亡何

天戈南指臣附 初畔道者乘之以爲市學田浸入私戶
或奪入浮屠歲久削益甚甚而去其籍非惟教不振而所
資以爲養者滋缺學非昔矣光龍叨

恩分教職思其憂一傳衆咻孰主張是會總管辛侯來守
茲土光龍偕同寮帥諸生迎于郊侯進之曰學校事當用
吾情眠政越三日故事見于

先聖先師之廟盤桓四顧官墻榛莽門術壅闕殿室堂廡
率弊漏弗治心爲憮然適諸同列曰學校不修吾屬責也
修諸皆達魯花赤撒刺兒字仲文同知總管府事李衍
字仲賓寅協一辭喜而贊之間一日侯問學計歲入

以實告侯卽視爲己任而盡心焉定力如山衆撓莫入繇是掩有於私者旋歸於公得米輒若干石而侯之

乃命慮材鳩庸一視民間例酬厥直且俾知事薛亨字文通董其後始大德己亥之七月訖大德庚子之正月泮池直廬門垣欄楯廊廡簾幙朱碧黝堊粲

然一新好義者翕翕以應如陋堂齋館以至庖湑庫庾視舊士游其間發舒文明之氣何啻晦冥日月役

成士德侯屬光龍記其事逮請于侯侯則曰吾盡吾職而已奚光龍惟僖公脩泮魯史作頌文翁興學漢史有

傳是可無記乎矧是邦爲唐相陸敬輿之里論諫百篇言

不負

天子下不負所學我思古人實獲我心後敬興而生者盡
亦知所自脩母負賢邦侯脩學之意侯名仲實字仲文

蹟脩明百廢具舉而脩學特一事云將仕佐郎
嘉興路儒學教授傅光龍記嘉興路儒學教授孔昭書并
立
浙等處儒學提舉范霖篆蓋

右碑文正書二十二行在嘉興縣此傅光龍記總管
辛仲實偕達魯花赤撒刺兒同知事李衍脩廟越七
月而訖事也學舊在望雲門西自建炎至紹興凡三
遷而始定又歷寶祐丁巳而始完所稱頤堂齋館者
卽咸淳四年碑之觀頤堂也

元方天麟等題名并詩

大德四年歲在庚子暮秋之初里人方天麟天瑞侍嚴君
靖嚴翁偕東平張楷道寧建安倪高景行同邑俞演則大
來游是日也風止雨霽山空日出臨流撫松逸興橫生追
和坡仙詩韻奉呈同行諸友併寄山中尊宿 兩山截辟
聳雙龍忽聽鐘聲落半空宿雨弄晴雲破碎秋林脫葉石
玲瓏法傳西竺三乘教詩慕東坡百世風晏坐危亭最高
處可人心自景無窮 此下有小字二行不可識

右在玲瓏山九折嚴題字之右摩崖正書十二行字
徑二寸

元釋明本懷淨土詩刻

懷淨土詩

西天目山幻住明本撰

東海一九金彈子流光日日射西林世間多少奇男子誰
向窓前惜寸陰 迷時無悟悟無迷究竟迷時卽悟時迷
悟兩頭俱拽脫鑊湯原是藕花池 四十八願水投水百
千億身空合空法藏慈尊無面目不須重覓紫金容 塵
沙劫又塵沙劫數盡塵沙劫未休當念只因情未撇無邊
生死自羈留 四大聚成元兔角六根搏住白龜毛漚花
影裏翻筋斗出沒閻浮是幾遭 正念阿彌陀佛時寶池
樹影日遲遲更馳心欲歸清泰又是重栽眼上眉 濁水
盡清殊有力亂心不動佛無機眼前盡是家鄉路不用逢
人覓指歸 萬劫死生如重病一聲佛號是良醫到頭藥
病俱忘却不用重宣母憶兒 暗室中藏大黑蜧未曾駢

盡莫耽眠憫體壓碎須彌枕巾地香風綻白蓮 藕池無
日不花開四色光明映寶臺金臂遙伸垂念切衆生何事
不思來 故鄉易到路無差白日青天被物遮別起兩莖
眉白看火坑都是白蓮花 獨坐幽齋萬慮逃一團山月
上松梢不將迷悟遮心眼盡是眉間白玉毫 入功德水
映金沙百寶樓臺散曉霞更有一般奇特事開敷紅藕大
如車 賀了新正看上元萬家銀燭照金蓮展開常寂光
明上佛法何曾不現前 示入泥洹記仲春風前歌舞恨
波旬誰知自性黃金佛常共千花轉法輪 寒食荒郊盡
哭天有誰遙念老金仙劫初埋向蓮花土不要人來化紙
錢 初夏清和四月時九龍噴水沐嬰兒樂邦化主無生

滅只把黃金鑄面皮 不懸艾虎慶端陽
惟向西方古道場 一炷鑪薰一聲磬
六門風遞蕩花香 清泰古家無六月
從教火繖自張空 金沙地上經行處
陣陣吹來白藕風 七月人間暑漸衰
晚風池上政相宜 遙觀落日如懸鼓
便策歸鞭已較遲 登樓共賞中秋月
回首誰思父母邦 不問多生迷與逝
至今垂念未相忘 誰知九月東籬菊
便是西方四色花 一個髑髏乾得盡
百千聞見自無差 人間十月盡開爐
深撥寒灰問有無 金色願王元是火
能燒千劫愛河枯 羣陰剝盡一陽來
五葉心花當地開 遍界枝條無着處
香風吹上玉樓臺 臘盡時窮事可憐
東村王老夜燒錢 卽心自性彌陀佛
滿面塵埃又一年 一

串素珠烏律律百子諸佛影團團循環淨念常相繼放去
拈來捻一般 四蛇同篋險復險二鼠侵藤危更危不把
蓮花栽淨域未知何劫是休時 深思地獄發菩提父母
家鄉勿再迷痛策歸鞭宜早到莫教直待日沉西 要結
蓮花會上緣是非人我盡傾捐無時不作難遭想歡喜同
登解脫船 念佛直須圖作佛不圖作佛念何爲但當抱
識含靈者白藕均同有一枝 老來念佛正相當去日無
多莫暫忘南無阿彌陀六字是名越苦海慈航 諸苦盡
從貪欲起不知貪欲起于何因忘自性彌陀佛異念紛馳
捻是魔 勢至曾叅日月光教令存想念西方自從親證
三摩地不離慈尊左右傍 觀經是一卷家書日落之方

有故居多辦資財期早到免教慈父日嗟吁 兄呼弟應
念彌陀要與渾家出愛河辨得此心常與麼直教佛不奈
伊何 蓮花國土無金鎖聞見堆中有鐵圍透得目前聲
與色百千賢聖合同歸 船居念佛佛隨船常寂光搖水
底天兩岸中流如不觸枝枝紅藕發心田 破曉移船直
過東滿帆披拂藕花風一尊自性彌陀佛出現扶桑照眼
紅 船上西來憶故鄉四花池上晚風涼飄零不奈歸心
切一片輕帆挂夕陽 任運移船過水南不須向外覓同
參自家屋裏彌陀佛念念開敷優鉢曇 船駕天風上北
方風汀月渚暎心光忽移念入同居土不覺渾身在藕航
船往東西南北了依前不離古灘頭等閑推轉虚空施

香氣滿船花滿洲 若不行船便住家從教門外拽三車
笑看火宅深處陸地純開水面花 六方佛出廣長舌
俱讚娑婆念佛人須信白蓮花世界無時不散劫壺春
念佛不曾妨日用人於日用自相妨百年幻影誰能保莫
負西天老願王 富貴之人宜念佛黃金滿庫穀盈倉世
間受用無虧缺只欠臨終見願王 貧乏之人念佛時且
無家事涉思惟赤條條地空雙手直上蓮臺占一枝 要
結蓮花口口緣是非人我盡傾捐無時不作口遭想歡喜
同登解脫船 盡道少年難念佛我云年少正相當看他
七歲龍王女掌上神珠放寶光 身膺宰輔與朝郎蓋世
功名世莫量自性彌陀如不念未知何以敵無常 心中

有佛將心念念到心空佛亦忘撒手歸來重檢點花開紅
白間青黃 清旦黃昏禮懺魔低頭泣告老彌陀輪迴六
趣知多少誓欲今番出網羅 金沙地上無紅藕赤肉團
中有至尊千聖頂顛移一步等閒踢倒涅槃門 念彌陀
佛苦無難入聖超凡一指彈除却彌陀存正念萬般聞見
不相干 現成公案絕商量曉磬頻敲臘炬長晝夜六時
聲不斷滿門風遞白蓮香 動地驚天懃念佛槌門打戶
勤修行問渠因甚麼如此只怕衆生入火坑 便就今朝
成佛去樂邦化主已嫌遲那堪更欲之乎者管取輪迴沒
了時 禪外不曾談淨土須知淨土外無禪兩重公案都
拈却熊耳峯開五葉蓮 佛與衆生夙有緣衆生與佛性

無偏奈何甘受婆婆苦不肯迴頭痛着鞭 右懷淨土詩
者中峯和上之所作也詩凡一百八首取素珠之一周也
予嘗爲書全稿矣茲特采其要者再爲書之憫羣生之迷
塗道佛境之極樂及其成功一也大德五年春三月戊申
弟子趙孟頫書

右在雲居寺行書凡五列一百四十八行後有萬曆
丁亥關西溫純跋不錄按稽古續集明本號中峯錢
塘孫族童時嬉戲必爲佛事長聞經教然指臂求佛
甚切誦金剛經至荷擔如來處恍然開悟後觀流水
乃大發明自是說法無礙續文獻通考仁宗賜號廣
慧禪師及歿賜諡智覺元統中詔以其廣錄刻梓揭

奚斯爲序釋祖順行錄學者輻輳師深自韜晦未嘗以師道自任有請住山開法者皆堅辭避之泛舟江淮所寓菴皆曰幻住大德庚子結菴平江之雁蕩遂成法席虞集智覺禪師塔銘中峯爲西天目高峯妙禪師高弟故每題西天目山幻住此淨土詩所謂開悟發明說法無礙者也

元雲居寺中峯和尚札

正月十九明本頓首再拜上 福壽堂上山翁大和尚尊
凡明本自新春而來口欲上 尊履之狀病衰日積殊切
馳情卽日孟春伏惟 尊體起居納福邇者人自城中至
傳聞 和尚日昨有意外之擾又知所問之官皆故舊信

吉人天相之也方欲拜問茲以中便武亟扶病上狀殊媿
草惡大覺寺訟聲聞亦少寬但常住苦於戶役窘於債負
一清如洗明本眼不耐見具述寺門之艱作一呈子上
禮相之門以中能言其略 和尙或會 禮相之昆玉更
望方便請其與之主維則大幸也餘不多及仰干 尊悉
不備明本頓首再拜上

右在雲居寺行書二十二行行字不等不知何時刻
札中言寺中事書體頗清逸雄勁自成一家明本不
以書名而天骨自具今寺中傳遺履長一尺二寸合
觀此書足證其巍然龍象具體也

元釋永隆造像記

昔在石晉天福年中開山建院刊堅珉爲瞿曇羅漢像凡七百餘尊星霜屢易大欠莊嚴遂投誠檀信擇吉鳩工重繪重整再飾再新以廣其傳願一切人普同瞻仰後之人繼承我志時理之庶永示于不朽也

大德六年歲在壬寅能仁口口住山口口永隆謹誌 搗口指口大檀越芳名具列于後提領口口口口施天慧

右刻在西湖石屋洞前記正書五行字徑一寸後楷書三行摩崖漫漶文云像凡七百餘尊錢塘縣志言五百十六尊誤

元紹興路增置義田碑

紹興路增置義田記

懷遠大將軍潭州安撫副使曾綱撰 集賢直學士朝

列大夫行江浙等處儒學提舉趙孟頫書 少中大夫

浙東海右道肅政廉訪使梁國華篆額

越之有義廩自忠定史越王始蓋必賢者之後喪不能舉
女不能嫁然後嗣之將使爲善者有所勸規式井如也其
後好義之士遡源衍流田益加增凡所給助壹出公論他
費亦惟成規是眡由是歲有餘積卿大夫之提其綱者又
能充拓前人意接踵成之有美無斁稟儲遂倍於初越之
人實嘉賴焉歲久弊滋或指上腴爲閒田或耕者逃徙漫
不訾省威胥徒相與爲姦利而潛損其故額者過半給助
旣多不盡覈其實而他費且益浮非惟力不能買田以加

益而貧者顧不被其賜比歲稍議更張會汴梁劉侯來捻
府事問民疾苦之暇首詢顛末鏡見弊端乃闢閒田復故
額汰濫予搏浮費積羨米陸伯餘石收其直得楮券五千
八百餘緡擇山陰會稽之良田酬以善賈爲畝壹佰黍十
有奇登其數于籍俾職出納者凡司之又以其副度藏于
府猶以爲未也則刻之石使不至湮沒以無負先賢創義
之良規鄉人聞其事而相語曰義廩蠹敝極矣非劉侯見
義勇爲舊租以復新畝以增則虧其半者將至於盡虧而
助其乏者將無以爲助仁哉劉侯之用心也昔范文正公
嘗置義田嫁娶凶葬皆有贍世以爲美談然不過周及其
族惟忠定以故相鎮越獨能惠利邦人養成士大夫廉恥

之俗不遺子孫憂其所周視文正益廣矣今劉侯又能循前人之跡而推廣其意下車甫期月於義舉已駸駸可紀積而至於三年之久其什百倍蓰成効固不止是後之繼者又能從而推廣之則貧有仰善有勸所及者不益廣且遠耶是不可無述遂屬綱識其梗槩使來者有考焉凡田之畝步若處所則條而勒諸碑陰茲不書大德八年四月日記 古越丁茂刊

右碑文行書十七行在紹興府學按嘉泰會稽志故丞相魏國史公鎮越之明年寶乾道戊子始捐已帑置良田歲取其贏給助鄉里賢士大夫之後貧無以爲喪葬嫁遣者附于學而以義名爲規畫十許條劉

諸石語與碑合乾道戊子至大德八年凡九十八載
積久弊生復有如碑中所云者劉侯甫下車而能振
興之可以書矣侯名俛元貞元年任

元嘉興路學田復租碑

嘉興路儒學歸復田租記

前太學進士雋李金吾撰

應奉翰林文字承事郎同知制誥兼國史院編修官東
昌周馳書

朝列大夫前江南浙西道肅政廉訪副使堯山霍肅篆
額

學有田養士也士之所以得其養者非田也人也人而不

職如田何田而不贍如養士何禾郡學田素號沃壤丙子
後日腴口削士之不得豐其養者職養者弊之也中間瘠
以易肥遠以易近誣熟爲荒匿有爲無歲老月深口磨籍
毀佃僕蒙蔽互相爲姦翻覆簸弄無所考證雖劉桑復生
亦不得以神其算學校荒涼租額耗損士有養之名而無
養之實者此也大德辛丑前建學教古杭沈公天佑再調
秀泮下車來治學若家然究弊澄源白之郡侯剗巨姦除
宿蠹委縣宰董其事選學職嚴催督積年之弊一洗之計
租所入較昔頓增故養士有餘裕不特此也華亭仙山管
田三百五十畝有楊副使者口五十餘石包佃歸己多催
少納積逋尤夥遂勉種夫親行運納其舊佃張萬七等欣

然增數倍之無靳色又嘉興大彭管田五十五畝爲白雲
宗僧顧明淨所據轉售耳阿九等移文有司究詰明白青
瓊舊物二者皆學家尾大不掉之事公毅然奮銳極力經
治歸侵疆於久據之餘振頽綱於口墜之頃學有餘蓄士
安其養郡侯嘉之屬余以述其事侯命莫辭況公之盛美
可筆者豈止此耶有如招經生二十四人制古樂二十八
事訓樂生三十二人集小學三十餘生修飾宮牆增置經
籍補葺書板校正閣文力與儒人申請于路咸得免征于
鄉其爲政績難以指屈此固公之能事然歸疆復租給勝
免役口一事最爲有功於學校非公壁立萬仞砥柱中流
障百川而東之疇克爾是功也公不自有而歸之太守太

守曰不然歸之夫子夫子在天之靈其大難名故勒諸石以貽後人大德甲辰季秋前直學婁蘭孫唐興能直學馬天祺趙良盛講書郁口文周因小學教諭馬文虎蕭漢傑賓序吳雷發吳耀龍學錄承勉學正邢果等立石

嘉禾曹梓明刊

右碑文正書二十行在嘉興縣此古杭沈天祐再調秀泮釐正學田白之郡侯委縣剡姦除蠹而金吾述之也文記華亭仙山嘉興大彭歸田四百畝復又脩飾宮牆增置經籍補葺書板又能招經生二十四人制古樂二十八事訓樂生三十二人集小學三十餘生是殷心教養非僅以瞻學者可比而侯之名氏不

書于貞珉何也題名有講書小學教諭亦他碑未見
元嘉興路儒人免役碑

儒人免役公文

皇帝聖旨裏嘉興路

總管府 本路儒學申准

學教授關 照得

年正月二十三日本學承

本路總管府旨揮該准

江南浙西道肅政廉訪司分司牒該准

本道廉訪司牒該 奉

江南諸道行御史臺劄付該准御史臺咨來咨海南北道

副使孫奉議牒有司不能欽詳

都省奏奏准

聖旨節文醫儒僧道諸色名項影蔽有田納稅富豪戶計
卽與其餘富戶一體輪當里正主首雜泛差役永爲定例
欽此各處官司將儒人差充里正主首僅辦大小差役不
副

聖朝崇儒之意請照詳希咨回示准此照得如委係元籍
儒戶別無影蔽難與其餘富戶一例應當仰照驗欽依施
行當年九月內又奉本路總管府旨揮該准本路推官咨
蒙

兩浙江東道奉使宣撫欽旨前往本路管下崇德海鹽州
開讀

聖旨宣布恩澤撫安百姓等事據儒人林文興等各款陳

言數內一項官司輕視學舍厭鄙儒生凡遇科差無所不至以此禮義之風掃地而盡擬乞摘委正官提調依奉國朝舊制勉勵作養誘掖後進以成材其於差役乞加優異除已行下合屬欽依元奉

聖旨事意毋將儒人與民一例差擾違錯外仰照驗施行奉此當年十二月十三日又承奉

本路總管府旨揮該承准

江南浙西道肅政廉訪司牒借據江浙等處儒學提舉司申准本司提舉趙朝列牒該叅詳設立學校蓋欲興教化厚風俗作成人材誠爲

國家之急務實非其他各投下影占富豪戶計之比今路

府州縣官司多有不能欽詳元奉

聖旨事意一概以輪當科差爲辭往往將已抄籍定儒戶恣意亂行勾擾差充里正主首大小雜泛職役遂使學校廢墮儒風凋喪殊失

聖朝崇儒重道之意擬合欽依累降

聖旨事意優加存恤蠲免差役倡爲便益欽依

聖旨事意施行奉此當職照得在籍儒人累蒙

上司行下存恤除免差役非不明白今來司縣排充坊隅里正主首在卽若不行移有司嚴加禁治誠恐各鄉都有田上戶不遵

國朝崇儒免役之意故將儒人朦腫一槩推排差擾深爲

不便關請備申

上司照詳行下合屬體例除免施行准此照得至元二十五年內欽奉

聖旨節該今後在籍秀才做買賣納商稅種田納地稅其餘一切雜泛差役行蠲免所在官司常切存恤欽此至元三十一年七月內欽奉

聖旨節該諭中外百司官吏人等孔子之道垂憲萬世有國家者所當崇奉本路總管府提舉儒學肅政廉訪司宣明教化勉勵學校凡廟學公事諸人毋得阻撓據合行儒人事理照

聖旨施行欽此除欽依外今准前因又照得本路所轄海

臨澤州已行遵奉本路旨揮事理備榜戒約了當獨本路
司縣上年仍前朦朧將儒人一槩差撥未能欽體

聖朝崇儒重道之意如蒙本路總管出給文牒發下合屬
存恤欽依除免倡望不致有妨教養申乞照詳施行得此
照得大德七年十二月初六日承准

江南浙西道肅政廉訪司牒文亦爲此事已經行下合屬
欽依

聖旨事意施行去訖今據見申除已行下合屬司縣加委
係籍定儒人欽依

聖旨事意存恤施行毋得一槩動搖違錯外合行曉諭須
至榜者

右榜曉諭諸人通知

印押

升學不征古制也奉行

上司存恤之令而不征者郡侯之有古心也同堂合序相
與贊成其議者此又同列幕屬之能行古道也有古心行
古道則今猶古也固宜升學不征之古制復見於今日歟
士生斯時旣免坊正弓手之役又免里正 之差功將

誰歸 郡侯諸公之力也時同列上則 達魯花赤海

答兒次則有同知趙治中府判 推官張 馮琚時幕

屬則有經歷張 佐知事白 陳 皆能與

郡侯同尙儒道共主斯文遂使 之 于鄉而得以

安心於游歌也士蒙福而不自 此 之事也天佑既
忝教職得遂儒戶免役之請敢不書一 之盛事而刻請
石以傳 郡侯諸公不朽之名

郡侯謂誰路陽石承慶也大德甲辰孟秋既望嘉興路儒
學教授沈天佑記長洲縣儒學教諭聞大有前稽山書院
山長吳性仁直學馬天祺前直學婁蘭孫唐興能學錄承
勉學正邢果前學錄方午薦學正朱天珍前教授唐林徐
碩等立石 山陽王國書郡人趙良盛吳性誼監刊
嘉禾曹德新梓

右碑篆額六字文分兩列上列榜諭三十三行正書
下列記文十七行行書在嘉興縣此達魯花赤海答

兒暨郡侯石承慶乞免儒人差役而沈天佑記之也
上列申牒榜諭後記士民蒙休遂爲刻石以傳觀文
內儒人差充里正催辦大小差役等于齊民大非至
元二十五年雜泛蠲免之旨此林文興等所以亟亟
也

元佑聖觀重建元武殿碑

佑聖觀重建元武殿記

承直郎太子文學元明善撰

中順大夫揚州路泰州尹兼勸農事趙孟頫書并篆額
杭州佑聖觀宋淳熙年始建住持祖仇君安一嗣十有五
而陸君宗補嘗更新之元貞元年制以王君壽衍住持提

點越八年事有可書者載諸石王君入朝元武殿焚提點
觀事吳君存真方任厥復制以孫君益謙住持提點進其
徒曰教風攸振未必不始諸道寓矧杭人士之雅所奏假
者不復之昭吾怠事且何從祝釐于上而下亦無於誠薦
也遂偕吳君協力僦功索帑賡資財賦總管張顯泉府卿
范宇暨杭士翁泳許夢斗翁仲源各來輸羣細積鉅用得
以饒經營勿亟惟完永之圖始大德七年三月訖八年三
月底于成厥費萬計廣之百一十尺高之七十尺髹塗鑿
銅不侈而文有赫斯頌筵席清邃厥稱神棲明年以餘力
樹脩廊又明年嚴繪壁潔齋廬師居徒館因不飭整今年
春孫君吳君繼來朝質其事於立教嗣師崇文宏道立德

真人真人曰世祖皇帝之既成新都也龜蛇冬見新城西偏館之七日忽不見上神之爲建昭應之宮成宗皇帝業功懋神加元聖仁威于宋之所崇帝號聖元紹百代正統一四海而帝之肇基朔方卒獲斯應是揚靈顯於大者如此杭爲吳會宋嘗國之百年物阜人夥燕以南無與爲大而玄武殿又杭之大禱禮口口口羣聚咸願依私是旁澤遺賴於細者又如此不金石刻斯無以騰神實詔能嗣俾爲之文虛生一一生水道家師一水之神口口口口危七宿文錯成象位北故曰玄體不故曰武物資始終故兩陰陽互宅故交子當坤復之間陰極陽生萬物之元必有主宰口口口口天帝昔之王者必郊而五帝次亞昊天羣祀

類從今元武之有祠實此宗也儀以義起而極其稱謂則
始諸宋使天下之□□□□廣寘走于其象設者果有以
翊運作福元元與不爾彼奚其質質焉將事于無効也其
亦聖人當出其下物化神設先事讐與不爾嗣師之言迺
徵於目者也雖然元武法天以行而妙用不測謂之隱邪
外柔內明施口吻□□□著矣謂之顯邪廟貌彤崇陟降
布寫兆朕微矣至若素履潔齋無禱猶孚祝史矯舉不福
無良益神與人一餒義則二鏡物□□聰明奚在奉常歲
舉典祀秩于無文不顯大神有開厥初繼自今風雨宜穀
麥人康食而無或艱阻用長我大厯服以至于億萬年日
月所照荷神之休其無數而豈惟杭人夫究心罷力勇于

基植誰不曰陰厚吾之所獲顧不于口歸口兆人口歸而國焉是歸其進于於道者之所爲也敢白隱美聲之悠久銘曰國祀欽天殷薦無文維神司北顯相我元宇之象求變見何所儼乎參前謂立而武杭人有言今雅依私不譙神處而室奚歸憲憲其微穆穆其凝其凝其冥膚奏爾靈哉崇明祀來格來寧主祠脩能純嘏虔告繫國而家罔或不淑勒石中唐聲功今始登世于千敬事無止 沖真崇正法師佑聖觀副知觀事陳子浩崇文虛一明善法師佑聖觀提舉孟宗寶隴右李璋摹勒鐫字都監馬汝拱監造知事蔣一雷俞汝宗楊仲元袁汝哲

右在佑聖觀正書三十一行行五十九字佑聖觀者

宋孝宗爲普安郡王時外第也淳熙三年詔改爲道
宮紹定間賜額曰佑聖元武本于天象見于禮經漢
唐以來無專祀宋初有佐命應見之事遂專崇祀遍
寰宇焉此文生一生水位北體分物資終始陰陽互
交諸義闡發極爲詳盡于今時像設可以豁然矣孫
君蓋謙卽安晚軒記文素仁德誠明真人也孟宗寶
號集虛吳興人大德間築室茗溪爲讀書地聚書千
卷以心虛始能求道得正心誠意之旨後入大滌建
書院廣集同人遊居講集其間道法表著張伯淳顏
其廬鄧牧心爲之記牟嶽題其像贊焉

元嘉興路修學碑

嘉興路重脩儒學記

嘉興教授孔君演旣新其廟學前進士泰州錄事趙田漳
貽書陵陽牟巖俾記厥成毫惛廢學非所敢 顧夙厚孔
君知其賢今得學宮一席地卽能興盛節以嘉惠多士錄
事君之言尤信予蓋喜聞而樂道之惟是邦文獻自唐以
來至于近代耆艾之典刑名第之俊秀蔚乎相望人知欣
慕攷之郡乘學宮本在郡治北湫隘弗稱紹興間改作于
其西屋凡百三十餘楹規模宏傑費悉郡出不以累學也
越更多故 漏過日嗣而甕之者往往學任其費則儒戶
之科抑生員之停供勢不能免失初意矣孔君之至嚴課
講增廩給以勵諸生按田蕩禁豪奪以歸侵疆諸事略舉

乃議脩泮白之郡郡侯以下皆樂從惟是上雨旁風費良夥亟命直學方應龍趙良盛王子正會計用度募匠化庀徒分董其役而學正趙由儒學錄沈德華左右叶賁焉遂盡撤舊葺更覆之棖桷櫻闌之腐撓者易以堅壯丹碧黝聖之漫漶者加以煥飾起丙午季秋畢丁未仲春殿庭門廡八齋小學講堂頤堂以及它屋靡一不新過者色然改觀皆曰吾教授孔君口爲也孔君博物多識篤于學而勇于義苦心勞形不肯碌碌從俗苟安而其能又足以達其所欲爲故科抑不停供數月而成克有盛譽如此孔君蓋夫子五十三代孫也古者立學釋奠於先聖先師必言國無先聖先師所釋奠者當與隣國合也後世旣以

孔子爲先聖乃天下通祀焉孔子之祀厥

闕里弟

子魯人依之以居者百餘室率以歲時奉祠諸儒亦講禮鄉飲大射於此因廟藏孔子衣冠 書訖漢初二百年

矣天相斯文有永不替諸侯卿相至先謁後從政歷代遵之雖通祀遍天下而 廟益尊宋以孔子一孫世封

衍聖公易唐崇道之號建炎南渡寓于太末立廟祀襲封爵悉視舊章 崇奉孔君於衍聖派闕里同寓太末同

故其來嘉興也凜以崇學自任夫旣勤垣墉惟其塗墍茨旣勤櫟斲惟其塗丹雘此在孔君誠作室梓匠之事可謂賢且勞矣抑予聞夫子之道在六經學在論語而其 在會子子思之大學中庸所以教人亦惟曰君臣也父子也

夫婦兄弟朋友也世之學者固知誦習其然不安於固陋就簡則失于凌節蠟等不溺于記覽詞章則流于異端邪遞末習相承微言幾熄孔脩治其學是邦之士得所馮依顓志肄業盍亦思夫風雨旂幟之功繼自今朝夕勉懋相與玩

論淵源由伊洛而遡洙泗匪直新

美其輪奐且將新美其風化尙孔君崇學之意也不亦題

歟大

年七月既望前朝奉大夫大理少卿牟嶽記

集賢直學士朝列大夫前行江浙等處儒學提舉趙孟頫

并篆額前進士趙由漳立石 嘉興陳文信鐫

右碑文二十四行正書在嘉興縣此教授孔子五十三代孫演新脩廟學陵陽牟嶽紀事也是時多故嗣

葺者學任其費遂致儒戶之科抑生員之停供孔君
嚴課講增廩給以勵諸生按田蕩禁豪奪以歸侵疆
諸事具舉克有盛譽矣孔氏自靖康之難衍聖公端
友扈蹕南渡俱家于衢襲封如故演實系出闕里自
能尊崇廟學溯厥淵源蠟文不啻三致意焉趙由漳
嘉興人咸淳乙丑阮登炳榜進士故書前字

元加孔子號詔碑

上天眷命皇帝聖旨蓋聞先孔子而聖者非孔子無以明
後孔子而聖者非孔子無以法所謂祖述堯舜憲章文武
儀範百王師表萬世者也朕纂承丕緒敬仰休風循治古
之良規舉追封之盛典加號大成至聖文宣王遣使闕里

祀以太牢於戲父子之親君臣之義永惟聖教之尊天地之大日月之明奚罄名言之妙尙資神化作我皇元主者施行

大德十一年七月日

惟夫子集羣聖大成垂教萬世雖追崇之典屢臻未有備其極者皇元大德丁未始加大成之號其所以致褒稱之隆蔑以尙矣後二十九年儒學提舉臣余謙副提舉臣陳旅謂明詔之頒它郡邑學院皆勒諸石而茲獨缺焉於是臣謙爲隸古書之俾刻樹廟門用揚休命昭示于無窮厥惟楸哉至元二年丙子歲秋九月甲子西湖書院山長臣陳泌拜手稽首謹書

右在杭州府學碑凡二列上列隸書詔旨十一行行十五字字徑寸餘篆額二字下列正書陳泌跋十七行行十一字是詔傳世最多當時學宮盡刊此詔又至大二年十二月有江浙等處行尙書省劄付准尙書省咨復詔刻此碑事此劄猶見徽州路大德加封詔書之下何杭學遍邇行省而刻加封詔遲至二十九年之久有所不解也

元孔廟詔旨碑

上天眷命

皇帝聖旨蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王

師表萬世者也朕纂承丕緒敬仰休風循治古之良規舉
追封之盛典加號大成至聖文宣王遣使闕里祀以太牢
於戲父子之親君臣之義永惟聖教之尊天地之大日月
之明奚罄名言之妙尙資神化祐我

皇元主省施行

大德十一年九月日

處州路麗水縣尹兼勸農事臣王銓書丹

右碑額題篆書詔旨二字文十二行正書末附書丹
銜名一行小楷書在麗水縣學縣尹王銓舊志不載
元加封孔子制誥碑

上天眷命

皇帝聖旨蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名言之妙尙資神化祚我

皇元主者施行

年月日 曹

右碑文正書十行在嘉興縣

元修麗陽廟碑

重修麗陽廟記

嘉議大夫前福州路總管兼管内勸農事趙鼎篆額

口之北山麗水出焉古白塔廟在其東唐大中九年守者
審形度勢改今廟塑三神像名以麗陽五百年于茲矣宋
大觀間始加王號剏前殿厥後美謚彌加以次俱王按祭
法山川能出雲爲風雨皆曰神諸侯在其地則祭之廟據
山川雄峙之勝合禮經祭祀之法其久長宜也矧文軌一
家百神效職

聖上登

寶位名山大川之祀累頒

詔旨長史欽承惟謹大德五年夏六月德秀來習教事適
廉訪使者慮囚因謁廟 前記徵應夢錄旣迺祠宇陟

制不治議增修時同知總管府 亦的勢公慨然當其

先是毓靈殿之役嘗鳩財將營前後殿不果公循舊敦勸
不勞而集不足則益以奉秩元侯馬公總侯孟公治中李
公及推官王公陳公皆相與致力是歲有秋民歡趨之後
殿悉猶唐故未聞嗣葺至是筵筭得請始敢進登度其害
改害仍視昔有加工復獻巧倣前殿規通前軒爲一脊創
明樓 敞豁達頓聳觀瞻前殿則易其朽腐增甃墼

塗翬飛愈壯門之兩塾左憩胙賓右居 祝舊闢戶廡間
通整牕檻遷戶東西門外示不敢褻自門外二 以至應
夢之 外必葺壁間圖像咸與維新經始於 酉

越明年二月乙亥告成方工之垂成也廉訪使者至自永

嘉復經廟下時余從 視歆者直腐者良卑暗者高明使
者曰廟新矣操翰墨以記厥事郡文學職也德秀 不敏
未幾郡士復以公意來請時前殿未完輒效王文公語辭
曰姑成之吾記無難者繼而以學事質諸神則廟之百役
靡有遺公奉省檄出爲之請者日不倦其又何辭惟儒先
有言水流山峙其形也而人之 何居氣之流通可以相
接也而宇之也何故余嘗疑於是今因而釋之古聖王之
制祀也必有尸自尸法廢而神無所依後世像設將古人
爲尸之義於是乎在易於萃渙皆以廟言廟以 神靈亦
以聚祭者之精神精神聚而不散此神所以爲靈而人所
以有感必應也諸侯能因民所欲而致力於神是可書也

老後殷之役前守屢欲興神率

不日成之唐

碑所謂必俟永年厚位之賢寓其跡者公之謂與公精敏通昭民心嘉政難以枚舉是亦其一云若夫神之爲

國爲民靈異不一者前言詳矣茲得以略夏四月己卯遂
寧馮德秀記郡人鄭桂高書麗水縣達魯花赤抄兒赤
縣尹民望主簿李玉興吏呂性傳立石掌計王虎孫
視役許趙順卿陳伯順廟吏嗣李
刊

右碑篆額已斷存修陽記三字文二十八行正書在
麗水縣麗陽山按麗陽之祀始唐大中時守徐鄣立

廟塑三神名以麗陽在麗水之陽也宋大觀時始加
王號大德五年總管口亦的繕修之越二年而蕝事
卽此碑也文後一段言祭必有尸自尸法廢而神無
所依又云易于萃渙皆以廟言廟以聚神靈亦以聚
祭者之精神皆未經人道語最精確是爲可書也已
趙鞏縉雲人字安國宋浙東提管知汀邵二州入元
爲福建安撫使歷南劍建昌邵武福信五路總管時
干戈甫息鞏至一以廉靜爲先終兩浙運使以征安
南功追封蒙城郡侯謚懋康

兩浙金石志卷十四 廣州府澳門同知桐鄉金錫鬯刊

臨海洪瞻墉校